

Nos hendenan SPECIAL

Na su tera bek:

INTRODUCCION DI MUZIEK TECHNOLOGIE TA PARTI DI E PROYECTONAN DI JOHNNY SCHARBAAY

Redacta pa: Mercedes Abdul

DIARIO tin como invitado awe den nos espacio "Nos Hendenan Special" Johnny Scharbaay, kende recientemente a bolbe Aruba despues di 10 aña biba na Hulanda, unda el a studia musica profesionalmente, a traha y duna les banda di esaki.

Awor su aspiracion ta pa contribui cu su experiencia na su propio pais, enriqueciendo su cultura y yudando den e formacion di e musiconan di futuro y tur esnan cu tin interes pa desaroya nan mes riba tereno musical.

ESTUDIO

Johnny a pasa su school basico na Dominicus College. Ora el a caba a bay La Salle College y na mitad di aña el a worde manda na Colegio Arubano. Despues di Colegio el a caba su HAVO cu exact pakket na Hulanda, y simultaneamente el a haci un aña preparatorio pa su ingreso na Sweelinck Conservatorium Amsterdam.

"Mi a studia 6 aña en total aki, y despues di 1993 cu mi a finaliza mi estudio mi a haya un beca di UNOCA pa dos aña pa studia Muziektechnologie na Hogeschool voor de Kunsten Utrecht.

Na Conservatorium mi a ricibi banda di les di piano diferente otro vak manera composicion, arreglo, instrumentacion, recitals, ensem-

methodiek, historische ontwikkeling van het instrument, onderwijsleer, solfège, contrapunt, y otro nan.

Na Muziektechnologie mi a studia computer compositie technieken, studietechniek, filmscoring, synthesizer programming, sound design, etnomusicologie, muziek geluid bij beeld. E ultimo aki ta encera musica of sonido pa anuncianan comercial of filmmuziek".


Johnny a keda casi diez aña en total na Hulanda y el a regresa Aruba dia 1 di Januari awor. Su regreso na Aruba ta pa keda y pone den practica tur su conocimiento y experiencia.

PROYECTONAN

Johnny tin varios proyecto pa cuminsa awor y sigui desaroya den futuro.

"Actualmente mi ta preparando pa haci grabacionnan cu musica di carnaval, despues ta bay tin preparacion pa Jazz Festival na Aruba, y si ta posible pa bay den exterior tambe, y mas den fin di aña pa produci un CD cu musica cultural. Riba tereno di educacion lo mi bay concentra hopi den desaroyo y

preparatoria musical tanto pa musiconan hoben como esnan mas avanza. Pa logra esaki tin diferente idea pa realiza den futuro, e.o., concierto y produccionnan cultural cu mester



worde pone den un plano local y internacional. Por lo pronto mi ta den conversacion cu diferente departamento gubernamental y fundacionnan y tambe sector priva di unda por cierto, tin bastante interes".

NA SCHOOL DI MUSICA

Johnny ta bay duna les na Arubaans Muziek School y concentra den preparacion den repertorio clasico, tecnico, jazz, improvisacion, pero muy principalmente den e conservacion y desaroyo di nos musica cultural.

"Oficialmente e directiva a cuminsa caba cu e preparacionnan pa parti e gruponan di alumno cu mi ta bay duna les. Tambe tin plannan pa futuro pa bin cu un departamento nobo na Arubaans Muziek School pa duna les di keyboards y computer cu metanan educacional".

UN CARERA DIFICIL

Johnny Scharbaay no a yega asina leu facilmente, pero contrario na esaki tin hopi sacrificio tras di su carera profesional.

"Tempo cu mi tabata chiquito, cu 3 pa 4 aña caba mi

tionan (Camacho) a conseha mi mayornan pa mi tuma les di piano ya cu nan a mira cu mi tabata tin habilidad y bon oido y mi tabata capta e musica hopi lihe. Ademas tur fin di siman mi tabata bay cas di mi welo unda tin un piano, y tur diadomingo henter e famia tabata trece musica den cas. Esey a inspirami pa desaroya mi mes den e tereno aki.

Durante un aña mi a cuminsa haya les na Arubaans Muziek School den musica en general.

Despues di esey e maestro nan ta scoge ta cual instrument bo tin mas talento pe. Apesar cu mi tabata tin interes pa tur instrument nan a coincide cu mi, cu mi mester opta pa piano.

Durante mi estudio na school secundario mi interes a bay mas tanto pa haci musica cu pa otro materianan. Pero no obstante mi a dicidi di caba school pa asina mi haya admision na e Conservatorio na Hulanda, ya cu esaki ta rekeri di un diploma di educacion secundario avanza.

E prome añanan na Hulanda tabata hopi dificil ya cu mi mester a percura pa mi mes y parti e oranan di estudio. Pero cu amor, disciplina y dedicacion mi a logra tur loke mi a desea.

E parti mas dificil tabata adapta mi mes na un cultura completamente diferente den cual bo no a crece, cu norma y balornan distinto cu di Aruba.

E estudio riba su mes ta exige hopi oranan pa dia ya cu poco tempo a resta pa recreacion. No obstante mi a traha tempo pa haci esaki ya cu bo tin cu relaha bo mente tambe di hopi ora di concentracion.

E estudio aki ta rekeri di hopi concentracion, atencion y control. Pa mi, musica ta mena un virus cu no tin cura pe. Una vez bo ta musico semper lo bo keda musico".

MAS ESTIMULO

Johnny ta pensa cu na Aruba y Antiyas en general tin hopi talento musical, pero cantidad di hoben ta worde desiluciona pa falta di motivacion y bon guia.


"Mi no ta completamente di acuerdo cu hende adulto cu ta desmotiva un mucha pa haci musica. Tin algun mayor cu no ta wak positivamente e decision di un yiu pa bira musico pasobra nan ta kere cu nan lo no por sobrevivir cu esaki.

E pensamiento aki por ta hopi destructivo pa un hoben cu kizas tin hopi talento y e ta frustrante pa e desaroyo di un hoben asina, pero tambe pa adultonan cu tin interes y cu tambe tin posibilidad pa desaroya nan mes riba tereno musical.

Tin mucha cu ora no tin un estimulo ta bay riba caya y por caba den mal caminda.

Nos comunidad mester apoya y yuda desaroya nos musica y nos musiconan y duna nan nan balor ya cu e profesion aki ta mesun importante cu cualquier otro profesion ya cu hopi ora ta worde inverti den practica y desaroyo tanto musical como personal.

Musica ta refleha bo cultura rond mundo no obstante ki lenguaje bo pais tin. Den tur epoca ta worde demostra cu ningun hende por biba sin musica".



ble lessen, tanto clasico como jazz cubriendo e compositornan mas importante di Barok te cu na nos musica contemporaneo. Banda di e lesnan musical mi a haya psicologia,